

Wāhanga 1: HE KŌRERO WHĀNUI	3
He Whakamārama	3
Te Waihanga Tukutuku	3
TE REO MĀORI I ROTO I TE MARAUTANGA O AOTEAROA	4
Ngā Akoranga Tāpua	6
TE TUKUTUKU AKO MŌ TE REO RANGATIRA, TAUMATA 6-8	7
Hei Whakarāpopoto	10
TE TUKUTUKU AROMATAWAI: TE REO RANGATIRA, TAUMATA 1-3	11
Taumata 6	11
Taumata 7	11
Taumata 8	12
TE WETEWETE I NGĀ PAEREWĀ	12
Taumata 6	12
Taumata 7	13
Taumata 8	13
Wāhanga 2: TE HŌTAKA AKO, TAUMATA 6	15
TE ĀHUA O TE REO O TE ĀKONGA	15
TE WETEWETE I NGĀ WHĀINGA PAETAĒ	16
TE HŌTAKA AKO	18
Tauira 1: Ngā Manu Kōrero	18
Tauira 2: Te Matatini	22
Tauira 3: Te Whawhai mō te Reo	26
Tauira 4: Ngā Kaupapa Ihiihi	29
Wāhanga 3: STUDENT EXEMPLARS	32
Wāhanga 4: CONDITIONS OF ASSESSMENT	32
NCEA LEVEL ONE	32
Paerewa Paetae 1.1	33
Te whakamārama i tētahi kaupapa kua ākona (ā-roto)	33
Te kaupapa	33
Ngā momo aromatawai	34
Ngā pūkenga me whakaatu	34
Kuputaka	34
Paerewa Paetae 1.2	34
Te whakamārama i te pānga o te horopaki ki te reo (ā-roto)	34
Te kaupapa	35

Ngā momo aromatawai	35
Ngā pūkenga me whakaatu:	35
Kuputaka	35

Wāhanga 1: HE KŌRERO WHĀNUI

He Whakamārama

Ko te whāinga o te tukutuku ako he tautohu i ngā akoranga tāpua i roto i te wāhanga ako, ā, ka tuituia ēnā akoranga tāpua ki raro i ngā whakaaro whānui mō taua wāhanga ako. He rauemi hou te tukutuku ako hei whakamahinga mā te kaiako ki te waihanga i tētahi hōtaka ako e whai wāhi mai ai ngā akoranga matua katoa o taua wāhanga ako.

Ehara i te mea e herea ana te tukutuku ako ki tētahi whakaraupapatanga ako kotahi. Ka tīmata pea te raupapatanga ako i tētahi horopaki ako e hāngai ana ki te taiao o te kura, i tētahi āhukatanga rānei e ngākaunui ana ngā tauira. Ka hāngai pū pea tēnei kaupapa ako ki tētahi whakaaro whānui, heoi kei reira hoki ōna kōtuituinga ki ētahi atu whakaaro whānui. Kua waihangatia mai ngā tukutuku kia wātea ai te kaiwhakaako ki te whakarite hōtaka ako tāwariwari, mārama anō hoki.

Ka oti ngā puka ārahi i te whakaako me te aromatawai te waihanga, ka whakatauiratia ki ētahi horopaki e kitea ai te hāngai ki ngā whakaaro whānui. Heoi anō, ehara i te mea e herea ana, e toka ana rānei ēnā tauira. Ko ngā horopaki ka whakatauiratia, ka taea hoki pea i ētahi atu whakaaro whānui.

Mā te tukutuku aromatawai hei tautohu ngā akoranga e tōtika ana mō te whiwhi tohu, ā, ka whakatau iho hoki i ngā paerewa hei whakatutuki i tēnā tohu, te momo aromatawai me te taumaha o ngā whiwhinga. Kia mahara anō hoki, ehara i te mea he whakamātautau ā-pepa anake te aromatawai ā-waho; arā anō ngā kōwhiringa hei whakatutuki i te aromatawai ā-waho. Ā, pērā anō i te tukutuku ako, ehara i te mea e herea ana, e toka ana rānei ngā whakaraupapatanga aromatawai, engari kua whakaritea kia ngāwari te whakahāngai ki ngā marautanga ā-kura.

Te Waihanga Tukutuku

I waihangatia mai ngā tukutuku e ētahi ohu mātanga e mātau ana ki tēnā wāhanga ako, ki tēnā wāhanga ako. Nā rātou nei ngā whakaaro whānui mō ia wāhanga ako i waihanga. Ko ngā akoranga tāpua ngā akoranga kāore nei e tika ana kia mahue, kia whakarerea noatia. He rerekē i ia wāhanga ako, nā te rerekē o ngā tikanga me ngā ritenga i ahu mai ai ēnā mātauranga. Heoi anō, he āhukatanga ako kei tēnā, kei tēnā i pūtakea mai i ēnei momo mōhiotanga e toru e whai ake nei:

- te maumahara me te tātai meka;
- te mātau ki ngā whakaaro me te whakahāngai ki ngā horopaki huhua;
- ngā tukanga waihanga, whakamātautau hoki i ētahi mātauranga hou i roto i te kaupapa ako, tae atu ki ngā pūkenga me ngā mōhiotanga tukanga.

I hangā mai ngā tukutuku kia māmā ai tā te kaiwhakaako whakarite hōtaka ako e whai wāhi mai ai ngā tauira huhua rerekē me ō rātou tāera ako.


TE REO MĀORI I ROTO I TE MARAUTANGA O AOTEAROA

E ai ki te kōrero a Tā Hēmi Henare (1984), ‘*Ko te reo Māori te kākahu o te whakaaro, te huarahi i te ao tūroa.*’ Ko te kaupapa pea o tēnei kōrero, ko te reo te whakapuakanga o te whakaaro. Mō te ākongā, ko te reo te tūāpapa o te ako. Ko te reo anō te huarahi e mōhiotia ai ngā kaupapa, e puta ai ngā whakaaro, e mārama ai ngā akoranga hou, e ū ai te ako. E puta ai te ihu o te ākongā i te kura, me matatau ia ki te reo. Me pakari tōna reo kia pakari anō ai te ako. Ko tā Te Reo Māori i roto i te marautanga he tautoko i tēnei whakaaro.

Ngā Whakaaro Whānui

Mā ngā whakaaro whānui e whai ake nei te matū o te wāhanga ako Te Reo Rangatira e kapo, e kōpaki. I pūtakea mai ēnei whakaaro whānui i te iho o te wāhanga ako Te Reo Rangatira i roto i Te Marautanga o Aotearoa (wh. 24-25).

E whā ngā whakaaro whānui o Te Reo Rangatira, koia ēnei:



Whakaaro Whānui 1: Me rere te reo

E rere ai te reo, me whānau *ngā rautaki* a te ākongā.

Whakaaro Whānui 2: Me tika te reo

E eke ai te ākongā ki ngā taumata o te ako, me whānui tana *puna reo*, me eke ki te ikeiketanga o te reo.

Whakaaro Whānui 3: Me Māori te reo





E tutuki ai te whānuitanga o *ngā āheinga reo* i roto i te wairua Māori, me Māori te reo.

Whakaaro Whānui 4: Me pakari te ako

E pakari ai te ako, me pakari te reo.

Ngā Akoranga Tāpua

E whai ake nei ko ngā akoranga tāpua e tohu ana me pēhea tā te ākonga aruaru i ngā whakaaro whānui i ia taumata o te marautanga. I ahu mai ngā akoranga tāpua i ngā whāinga o te wāhanga ako Te Reo Rangatira i roto i Te Marautanga o Aotearoa.

	<p><i>Te whakamahi rautaki reo kia whaihua ai te whakawhiti kōrero</i> (Me rere te reo)</p>
	<p><i>Te tipu o te puna kupu me ōna āhuetanga katoa</i> (Me tika te reo)</p>
	<p><i>Te whakatutuki i ngā āheinga reo, me te whakapuaki i te ao Māori, te whakaaro Māori</i> (Me Māori te reo)</p>
	<p><i>Te whakakaupapa me te whakapuaki i ngā whakaaro</i> (Me pakari te ako)</p>

I te Taumata 6 o te marautanga, ka mōhio, ka whakamārama, ka whakaputa kōrero te ākonga mō ngā kaupapa e taunga ana ia. Ka whakamahi noa iho ia i te reo, ka whakaputa noa i ngā kōrero. Ka hurihuri, ka whakapārekareka hoki i te reo kia hāngai ki ngā hoa kōrero.

I te Taumata 7 o te marautanga, ka tautohu, ka whakamātau, ka āta tātari, ka whakapuaki, ka tūhonohono whakaaro te ākonga, hei whakamārama, hei taunaki i ngā kaupapa e taunga ana ia. Ka whakamahi ia i ngā kupu whakaniko kia whanake, kia hōhonu ake ngā whakaaro, kia aro nui mai te hunga whakarongo/pānui. Nā te whānui o te puna kupu ka kaha ake te whakawhiti whakaaro.

I te Taumata 8 o te marautanga, ka āta arohaehae, ka whakatauiria, ka whakahāngai te ākonga i ngā kaupapa huhua noa. Ka wewete ia i ngā kupu kua whakamahia ki te kimi i ngā kura huna, ki te whakawāwā i ngā kaupapa tuatinitini. Kua mārama ake, kua mātanga ake ki te mana o te reo kōrero me ōna āhuetanga katoa.

TE TUKUTUKU AKO MŌ TE REO RANGATIRA, TAUMATA 6-8

Ngā Whakaaro Whānui	Ngā Akoranga Tāpua Taumata 6-8 o Te Marautanga o Aotearoa		
	Taumata 6	Taumata 7	Taumata 8
	Me rere te reo	<ul style="list-style-type: none"> Rautaki Reo: Te whakamahi rautaki reo kia whaihua ai te whakawhiti kōrero 	
<ul style="list-style-type: none"> Me <i>mōhio</i> ki ētahi rautaki reo kia tutuki ai te pūtakenga whakawhiti kōrero. He nui ngā rautaki ka whakamahia e te kaikōrero, e te kaituhi rānei e rere tonu ai te kōrero. 		<ul style="list-style-type: none"> Me <i>whakamahi</i> te reo, ahakoa te kaupapa, te horopaki. He nui ngā rautaki ka whakamahia e te kaikōrero, e te kaituhi rānei e whaihua ai tana kōrero. He whaihua ake ētahi rautaki i ētahi atu. 	<ul style="list-style-type: none"> Me <i>whakatauirā</i> kia noho ū tonu ko te reo hei waka kawē whakaaro. Mā te āta tīpako, mā te āta whakahāngai i ngā rautaki, ka whaihua te whakawhitinga, te whakaputanga rānei i ngā kōrero.
Me tika te reo	<ul style="list-style-type: none"> Puna Reo: Te tipu o te puna kupu me ōna āhuatanga katoa 		
	<ul style="list-style-type: none"> Me <i>mōhio</i> ki ngā āhuatanga o te reo tae atu ki ngā tūāhuatanga reo Māori ake nei. Kia kitea, kia rangona te hononga i waenga 	<ul style="list-style-type: none"> Me <i>whakamahi</i> i ngā āhuatanga o te reo tae atu ki ngā tūāhuatanga reo Māori ake nei. Mā te reo (ā-ta, ā-waha, ā- 	<ul style="list-style-type: none"> Me <i>whakatauirā</i> i ngā āhuatanga o te reo tae atu ki ngā tūāhuatanga reo Māori ake nei. Mā te reo ngā whakaaro e kawē – nō reira me tika, me hāngai te reo kia tika ai, kia hāngai anō ai ngā

	i te reo me te whakaaro.	tinana) ngā whakaaro e kawē – nō reira me mārama te reo kia mārama anō ai ngā whakaaro.	whakaaro.
Me Māori te reo	<ul style="list-style-type: none"> • Āheinga Reo: Te whakatutuki i ngā āheinga reo, me te whakapuaki i te ao Māori, i te whakaaro Māori 		
	<ul style="list-style-type: none"> • Me <i>tūhura</i> i ngā pānga o te horopaki ki te reo. • Mā te reo Māori me ōna tikanga te ao Māori e mārama ai. 	<ul style="list-style-type: none"> • Me <i>tātari</i> i ngā hononga o te reo ki te horopaki (ngā tāngata, te kaupapa, te pūtake, ngā tikanga). • Mā te reo Māori me ōna tikanga te whakaaro Māori e whakapuaki. 	<ul style="list-style-type: none"> • Me <i>arohaehae</i> i tā te kaikōrero, kaituhi matatau ki te whakahāngai i ana kōrero ki te horopaki. • Mā te reo Māori me ōna tikanga te whakaaro Māori e whakatauirā.
Me pakari te ako	<ul style="list-style-type: none"> • Te whakakaupapa me te whakapuaki i ngā whakaaro 		
	<ul style="list-style-type: none"> • Me <i>tūhura</i>, me matapaki i te kaupapa kia mārama ake ai. • Mā te whakaputa pātai e pai ake ai te ako. 	<ul style="list-style-type: none"> • Me <i>tātari</i> i ētahi kaupapa kia kitea ai ngā tūhononga ki kaupapa kē atu, kia whānui ake ai te ako. • Ka puta i te kaituhi pai, i te kaikōrero pai, he taunakitanga o tāna e whakaaro ana. 	<ul style="list-style-type: none"> • Me <i>arohaehae</i>, me <i>whakatauirā</i> i ngā whakaaro matua o te kaupapa kia pai ake ai te ako. • Mā te arohaehae e hōhonu ake ai te titiro ki tētahi kaupapa.

Hei Whakarāpopoto

	Taumata 6	Taumata 7	Taumata 8
Aronga whānui	Ngā āhuatanga whānui o te taumata marautanga		
	Ka whakamahi noa iho te ākonga i te reo, ka whakaputa noa i ngā kōrero. Ka hurihuri, ka whakapārekareka i te reo kia hāngai ki ngā hoa kōrero.	Ka whakamahi te ākonga i ngā kupu whakaniko kia whanake, kia hōhonu ake ngā whakaaro, kia aro nui mai ai te hunga whakarongo/pānui.	Ka wewete te ākonga i ngā kupu kua whakamahia ki te kimi i ngā kura huna, ki te whakawāwā i ngā kaupapa tuatinitini.



Ngā āhuatanga ake o te taumata NCEA			
Pūkuenga matua	<i>Whakamārama, mōhio, whakaputa, tūhura</i>	<i>Tātari, whakamahi, whakapuaki, tūhonohono</i>	<i>Arohaehae, matapae, whakahāngai, whakatauirā</i>
	NCEA 1	NCEA 2	NCEA 3

TE TUKUTUKU AROMATAWAI, TAUMATA 6-8

E rua ngā paerewa ka aromatawaihia ā-waho, e rua anō ka aromatawaihia ā-roto. E ono whiwhinga ka riro i te ākonga ka tutuki i a ia te paerewa ā-roto. E whā ngā whiwhinga mō ngā paerewa ā-waho. E riro mai ai ngā whiwhinga e ono me aro atu te ākonga ki te whānuitanga o tētahi kaupapa, ki te hunga pānui, hunga whakarongo rānei, me te tiki atu i ngā kōrero tautoko hei taunaki i ōna whakaaro.

Taumata 6

Taumata 6	Paerewa 1.1 Me pakari te ako	Paerewa 1.2 Me Māori te reo	Paerewa 1.3 Me rere te reo	Paerewa 1.4 Me tika te reo
Paerewa	Te whakamārama i tētahi kaupapa kua ākona	Te whakamārama i te pānga o te horopaki ki te reo	Te whakamahi i tētahi rautaki reo	Te whakamārama i ngā āhuatanga motuhake o tētahi momo reo kua ākona
Momo Aromatawai	Ā-roto	Ā-roto	Ā-waho	Ā-waho
Whiwhinga	6	6	4	4

Taumata 7

Taumata 7	Paerewa 2.1 Me pakari te ako	Paerewa 2.2 Me Māori te reo	Paerewa 2.3 Me rere te reo	Paerewa 2.4 Me tika te reo
Paerewa	Te tūhonohono i ētahi kaupapa kua ākona	Te tātari i ngā pānga o te kaupapa me te horopaki ki tētahi kōrero	Te tātari i ētahi rautaki reo	Te tūhonohono i ngā āhuatanga motuhake o tētahi momo reo kua ākona
Momo Aromatawai	Ā-roto	Ā-roto	Ā-waho	Ā-waho
Whiwhinga	6	6	4	4

Taumata 8

Taumata 6	Paerewa 3.1 Me pakari te ako	Paerewa 3.2 Me Māori te reo	Paerewa 3.3 Me rere te reo	Paerewa 3.4 Me tika te reo
Paerewa	Te arohaehae i tētahi kaupapa kua ākona	Te whakahāngai i te reo ki te horopaki	Te whakatauiria i ētahi rautaki reo	Te arohaehae i ngā āhuatanga motuhake o tētahi momo reo kua ākona
Momo Aromatawai	Ā-roto	Ā-roto	Ā-waho	Ā-waho
Whiwhinga	6	6	4	4

TE WETEWETE I NGĀ PAEREWA

Taumata 6

1.1 Te whakamārama i tētahi kaupapa kua ākona (ā-roto)

I tēnei paerewa, ka whakaatuhia e te ākonga tōna āhei ki te ako mā te huarahi o te reo Māori. Ka aromatawaihia tōna kaha ki te whakamārama i tētahi kaupapa i te Taumata 6 o te marautanga, i tētahi ariā rānei i hua ake i tana rangahau (pakirehua) i taua kaupapa.

1.2 Te whakamārama i te pānga o te horopaki ki te reo (ā-roto)

I tēnei paerewa ka tūhuratia te reo hei putanga ahurea, hei hua anō nō tōna horopaki. Me whai whakaaro, me whakamārama hoki te ākonga i te pānga o te horopaki ki te kawenga reo kua whakatauiratia e te kaikōrero, e te kaituhi. Ka whakatairite, ka whakatauro te ākonga i ngā horopaki o te ao Māori me ngā pānga o te horopaki ki te reo ka āta whakamahia e te kaituhi, e te kaikōrero rānei.

1.3 Te whakamahi i tētahi rautaki reo (ā-waho)

Ka pakari haere anō te mārama o te ākonga ki te whānui o ngā rautaki ka whakamahia e ngā kaikōrero, e ngā kaiwhakarongo, e ngā kaituhi, e ngā kaipānui anō hoki hei whakawhiti whakaaro kia kore ai e whati te rere o ngā kōrero, te mārama rānei o ngā kōrero. I tēnei paerewa, me whakaatu te ākonga i tōna āhei ki te whakarāpopoto, ki te whakapuaki anō, ki te whakahāngai, ki te whakarerekē rānei i tētahi kōrero.

1.4 Te whakamārama i ngā āhuatanga motuhake o tētahi momo reo kua ākona (ā-waho)

I tēnei paerewa, ka tautohu te ākonga i ngā āhuatanga o te reo i roto i tētahi momo reo kua āta ākona. E ākina ana te ākonga kia whakaaturia mai tōna mōhio ki te momo reo tae atu ki te pūtake me te hanga, ki te horopaki me te kaupapa, ki te wetereo me ngā nuka reo Māori motuhake. Me whakaatu anō te ākonga i tōna mārama ki te hononga o te reo ki te takune me te whakaaro o te kaituhi, kaikōrero rānei.

Taumata 7

2.1 Te tūhonohono i ētahi kaupapa kua ākona (ā-roto)

I tēnei paerewa, e āhei ana te ākonga ki te whakaatu i tōna mōhio ki te āta tātari i ētahi kaupapa i te Taumata 7 o te marautanga. Ka aromatawaihia tōna āhei ki te whakamārama i ōna whakaaro arohaehae i hua ake i tana rangahau (pakirehua) i te kaupapa me te tūhonohono o ngā whakaaro matua, ngā kitenga rānei ki ētahi atu kaupapa.

2.2 Te tātari i ngā pānga o te kaupapa me te horopaki ki tētahi kōrero (ā-waho)

I tēnei paerewa ka tūhuratia te hononga o te reo ki te kaupapa me te horopaki whānui. Me whai whakaaro te ākonga ki te pānga mai o te horopaki ki ngā kawenga reo kua whakatauiratia e te kaikōrero, e te kaituhi. Ka whakatairitea, ka whakatauarohia ngā pānga o ētahi horopaki ao Māori me ōna anō tikanga kawenga reo a te kaituhi, a te kaikōrero. Ko te reo me ngā horopaki o te Taumata 7 o te marautanga te aronga.

2.3 Te tātari i ētahi rautaki reo

Ka whakaatu te ākonga i tōna āhei ki te tīpako i ētahi rautaki reo e hāngai ana ki te pūtakenga kōrero me te whakamahi i aua rautaki reo. Me wetewete ia i ngā rautaki kua tīpakohia ake.

2.4 Te tūhonohono i ngā āhuatanga motuhake o tētahi momo reo kua ākona (ā-waho)

I tēnei paerewa, e ākina ana te ākonga kia whakaaturia mai tōna mōhio, tōna mārama ki te reo Māori tae atu ki te wetereo, ki te kārawarawa me ētahi nuka reo Māori motuhake i te Taumata 7 o te marautanga. Me whakaatu anō te ākonga i tōna mārama ki te hononga o te reo ki te momo reo, ki te takune me te whakaaro anō o te kaituhi, kaikōrero rānei.

Taumata 8

3.1. Te arohaehae i tētahi kaupapa kua ākona (ā-roto)

I tēnei paerewa, ka whakaatu te ākonga i ōna pūkenga ki te arohaehae, ki te arotake i tētahi kaupapa i te Taumata 8 o te marautanga. Ka aromatawaihia tōna āhei ki te whakamārama i ōna whakaaro arohaehae, ērā i hua mai i tana rangahau me tana arotake i te kaupapa.

3.2 Te whakahāngai i te reo ki te horopaki (ā-roto)

I tēnei paerewa ka tūhuratia te whakamahia o te reo Māori i tētahi horopaki Māori. Ka whakaatu te ākonga i ōna pūkenga ki te tīpako i ngā rautaki reo, i ngā kawenga reo, i ngā āheinga reo e taea ai te ito o ōna whakaaro te whakakāhahu.

3.3 Te whakatauiria i ētahi rautaki reo (ā-waho)

Ka whakaatu te ākonga i tōna āhei ki te whakahāngai i tētahi rautaki reo ki te kaupapa, ki te takune, me te kaiwhakarongo, kaipānui rānei. Mā te pēnā e whaihua ake ai te tuhinga, te kōrero rānei. Me parahau anō te ākonga ki ōna anō kōwhiringa me te pānga e hiahiatia ana.

3.4 Te arohaehae i ngā āhuetanga motuhake o tētahi momo reo kua ākona (ā-waho)

I tēnei paerewa, ka tātari, ka taunaki te ākonga i ngā āhuetanga o te reo i roto i tētahi momo reo kua āta ākona. E ākina ana te ākonga kia whakaaturia mai tōna mātau ki te momo reo tae atu ki ngā āhuetanga motuhake. Ka arohaehae anō te ākonga i ngā pūkenga a te kaitito, kaikōrero, kaituhi rānei.

Wāhanga 2: TE HŌTAKA AKO, TAUMATA 6

TE ĀHUA O TE REO O TE ĀKONGA

I te tīmatanga o te Taumata 6:

Kei te hurihuri, kei te whakapārekareka i te reo, ahakoa te kaupapa, kia hāngai ki ngā rōpū whānui tonu me te mau tonu ki te tikanga, ahakoa Māori ake nei, ahakoa reo kē atu. He whakarongo, he arohaehae, he tautohetohe, he whakahoki kōrero ki ētahi whakaaro kē atu. E whakamahia ana ngā wāhanga o te tinana, hei whakawhitiwhiti kōrero, kare ā-roto, me te mōhiohio. (TMoA, wh. 34)

Ina tutuki ngā whāinga o te Taumata 6:

Nā te whānui ake o te puna kupu, ka kaha ake te tautoko, te whakawhitiwhiti māramatanga, te whakakotahi hei whakataū, hei whakaiti rānei. E whakamahi ana i ngā āhuatanga katoa o te reo me te tinana hei whakataū tika i ngā take, hei whakawhitiwhiti whakaaro, kare ā-roto me te mōhiohio. E takahuri ana i te reo mā te whakapārekareka, mā te kupu peha, mā te kupu huna. (TMoA, wh. 35)

TE WETEWETE I NGĀ WHĀINGA PAETAE

Ko te tūāpapa o te hōtaka ako, ko ngā whāinga paetae o te wāhanga ako Te Reo Rangatira i roto i Te Marautanga o Aotearoa.

Me wetewete ngā whāinga paetae kia kitea ai te whānuitanga o te ako i te Taumata 6. Hei tauira, i ahu mai te paerewa paetae 1.1 i ēnei o ngā whāinga paetae e rua, arā:


- *Ka whakapuaki i te reo Māori ake nei hei whakaahua pikitia ā-kupu.*
- *Ka whakahiato, ka āta arohaehae i ngā kohinga hei rautaki whakaoti rangahau (TMOA, wh. 34).*

Koinei te whānuitanga o te ako i ēnei whāinga paetae:

Ka whakapuaki i te reo Māori ake nei hei whakaahua pikitia ā-kupu



Ka whakahiato, ka āta arohaehae i ngā kohinga hei rautaki whakaoti rangahau.



TE HŌTAKA AKO

E whā ngā tauira kōwae ako kua takoto nei hei hōtaka. Ko ēnei tauira, he hāngai ki ētahi kaupapa e whā, arā, ki te:

Tauira 1: Ngā Manu Kōrero

Tauira 2: Te Matatini

Tauira 3: Te Whawhai mō te Reo

Tauira 4: Ngā Kaupapa Ihiihi (he pakirehua te whai)

Tauira 1: Ngā Manu Kōrero

TE REO RANGATIRA		
Te Taumata	6	Te Āhua o te Reo i tēnei Taumata Ka mōhio, ka whakamārama, ka whakaputa kōrero te ākongā mō ngā kaupapa e taunga ana ia. Ka whakamahi noa iho ia i te reo, ka whakaputa noa i ngā kōrero. Ka hurihuri, ka whakapārekareka i te reo kia hāngai ki ngā hoa kōrero.
Te Kaupapa	HE REO KŌRERO TŌKU REO	
Te Roa	8-10 wiki te roa 30-40 hāora	
Ngā Whenu	ā-Waha, ā-Ta, ā-Tinana	
Ngā Akoranga Tāpua		
Kia pakari te ako	<ul style="list-style-type: none"> • Mā te tūhura, mā te matapaki ka mārama ake te kaupapa. • Mā te whakaputa pātai e pai ake ai te ako. 	
Kia rere te reo	<ul style="list-style-type: none"> • He nui ngā rautaki ka whakamahia e te kaikōrero e rere tonu ai te kōrero. 	
Kia tika te reo	<ul style="list-style-type: none"> • Me mōhio ki ngā tūāhuatanga reo Māori ake nei. • Kia rangona te hononga i waenga i te reo me te whakaaro. 	
Kia Māori te reo	<ul style="list-style-type: none"> • He pānga tō te horopaki ki te reo ka whakamahia i taua horopaki. • Mā te reo Māori me ōna tikanga te ao Māori e mārama ai. 	

<p>Ngā Whāinga Paetae</p>	<p><i>ā-Waha, Āheinga Reo</i></p> <p>1. Ka whakapuaki i te reo Māori ake nei hei whakaahua pikitia ā-kupu.</p> <p><i>ā-Waha, Rautaki Reo</i></p> <p>5. Ka arohaehae i ngā kōrero me ngā tuinga Māori i runga i te hāngai ki te kaupapa, ki te momo reo me te kaipānui, kaiwhakarongo rānei.</p> <p><i>ā-Tā, Rautaki Reo</i></p> <p>3. Ka whakahiato, ka āta arohaehae i ngā kohinga hei rautaki whakaoti rangahau.</p> <p><i>ā-Tinana, Āheinga Reo</i></p> <p>1. Ka mārama ki te reo ā-tinana i ngā horopaki huhua, ahakoa ōpaki, ōkawa rānei.</p> <p>2. Ka whakamahi i ngā āhuatanga katoa o te reo me te tinana hei whakatau tika i ngā take, hei whakawhitiwhiti whakaaro, kare ā-roto me te mōhiohio.</p> <p><i>ā-Tinana, Rautaki Reo</i></p> <p>3. Ka hāngai te reo ā-waha me te reo ā-tinana ki te kaupapa.</p>
<p>Ngā Kaupapa Ako</p>	
<p>1. Te waihanga kōrero</p>	<ul style="list-style-type: none"> ● Te tukanga whakarite kōrero, arā ko te: <ul style="list-style-type: none"> - ohia manomano, kimi kaupapa - whakamahere - rangahau kaupapa - tuhi tauira - whakatikatika - whakaharatau – reo ā-tinana
<p>2. Te whakatakoto kaupapa</p>	<ul style="list-style-type: none"> ● Te rangahau i te kaupapa, i ngā āhuatanga o te whaikōrero ● Te whakatakoto whakaaro ● Te whakaraupapa whakaaro ● Te matapaki, te whakawhitiwhiti whakaaro
<p>3. Te whakanikoniko kōrero</p>	<ul style="list-style-type: none"> ● Kupu taurite ● Kupu āhua ● Whakataukī ● Kīwaha

4. Te kōrero ā-tinana	<ul style="list-style-type: none"> • Te tauwhitiwhiti • Te tū Māori nei • Kia Māori ake te tū • Kia taiea te tū
5. Te tuku i te kōrero	<ul style="list-style-type: none"> • Te tuku i te kōrero kia rangona • Te taki, te rere, te kaha, te āhua o te kōrero • Te whakahua o te reo • Te whakahāngai i te tuku kia aro ai te hunga whakarongo • Te ihiihi o te whakapuaki kupu
Hei Aronga	
Kia tika te reo	<p>Te reo ōpaki / reo ōkawa Te tangi o te reo Te reo whakaahua Te reo whakaraupapa Te reo tūhonohono Te reo tohe</p>
Kia rere te reo	<p>Te kōrero tene Te whakahāngai i te reo ki te horopaki Te whakawhitiwhiti kōrero Te tuku pātai, whakautu pātai</p>
Kia Māori te reo	<p>Whakaritea tō whare kōrero Whakataukī/Kīwaha Te reo peha Te reo huahuatau Te whakaahua pikitia ā-kupu</p>
Kia pakari te ako	<p>Whāia te wā/ngā ture o te kōrero Hoki atu, hoki atu, whakaharatau, parakitihi Te whakaraupapa whakaaro Ngā kaupapa o te wā Te hanganga kōrero Te mahi rangahau Te whakarite mahi, te hanga kōpaki (te mahere, te rangahau)</p>
Ngā Rauemi	
Ipurangi/ pae tukutuku	<p>Ngā kiriata Ngā whakataetae i ngā tau o mua</p>

Hōtaka pouaka whakaata	Ngā pakipūmeka Ngā pūkōrero Ngā whaikōrero
Kōpae	Ngā pūkōrero o te wā
Pukapuka /maheni	<i>Toi Te Kupu</i> <i>Te Wharekura</i>
Papakupu	Biggs, Bruce. (2011). <i>English-Māori. Māori-English Dictionary</i> . Auckland University Press. Haemata. (2014). <i>He Raurau Kupu: He puna kupu mā te hunga ako i roto i ngā kaupapa rumaki reo Māori</i> . Te Tāhuhu o te Mātauranga. Paekupu, Te Papakupu o Te Marautanga o Aotearoa. https://paekupu.co.nz/ Te Aka Māori-English, English-Māori Dictionary. https://maoridictionary.co.nz/ Te Tāhuhu o te Mātauranga. (2006). <i>Tirohia, Kimihia: he kete wherawhera. He papakupu mā ngā tamariki</i> . Huia. Te Taura Whiri i te Reo Māori. (2008). <i>He Pātaka Kupu te kai a te rangatira</i> . Raupō Publishing (NZ) Ltd. Williams, H.W. (2010). <i>Dictionary of the Maori Language</i> . Legislation Direct.
Aromatawai	
Ka aromatawaia te kaha o te ākonga: <ul style="list-style-type: none"> • ki te ako mā te huarahi o te reo Māori • ki te whakamārama me te wetewete i tētahi kaupapa i te Taumata 6 o te marautanga, i tētahi ariā rānei i hua ake i tana rangahau (pakirehua) i taua kaupapa. • ki te taunaki i ōna whakaaro • ki te whakahāngai i tana kōrero ki te hunga whakarongo • ki te whakamārama i te pānga o te horopaki ki te kawenga reo kua whakatauiratia e te kaikōrero, e te kaituhi • ki te whakatairite, ki te whakatauaro i ngā horopaki o te ao Māori me ngā pānga o te horopaki ki te reo ka āta whakamahia e te kaituhi, e te kaikōrero rānei. 	
NCEA 1	1.1 Te whakamārama i tētahi kaupapa kua ākona (ā-roto) 1.2 Te whakamārama i te pānga o te horopaki ki te reo (ā-roto)

Tauira 2: Te Matatini

TE REO RANGATIRA		
Te Taumata	6	Te Āhua o te Reo i tēnei Taumata Ka mōhio, ka whakamārama, ka whakaputa kōrero te ākonga mō ngā kaupapa e taunga ana ia. Ka whakamahi noa iho ia i te reo, ka whakaputa noa i ngā kōrero. Ka hurihuri, ka whakapārekareka i te reo kia hāngai ki ngā hoa kōrero.
Te Kaupapa	TE MATATINI	
Te Roa	8-10 wiki te roa 30-40 hāora	
Ngā Whenu	ā-Waha, ā-Ta, ā-Tinana	
Ngā Akoranga Tāpua		
Kia pakari te ako	<ul style="list-style-type: none"> ● Mā te tūhura, mā te matapaki ka mārāma ake te kaupapa. ● Mā te whakaputa pātai e pai ake ai te ako. 	
Kia rere te reo	<ul style="list-style-type: none"> ● E ora ai te reo, me kōrero, me waiata. ● He nui ngā rautaki ka whakamahia e te kaituhi, e te kaitito rānei e rere tonu ai te kōrero. 	
Kia tika te reo	<ul style="list-style-type: none"> ● Me mōhio ki te wetewete reo, me ngā tūāhuatanga reo Māori ake nei. ● Kia kitea, kia rangona te hononga i waenga i te reo me te whakaaro. 	
Kia Māori te reo	<ul style="list-style-type: none"> ● He pānga tō te horopaki ki te reo ka whakamahia i taua horopaki. ● Mā te reo Māori me ōna tikanga te ao Māori e mārāma ai. 	

<p>Ngā Whāinga Paetae</p>	<p><i>ā-Waha, Rautaki Reo</i></p> <p>5. Ka arohaehae i ngā kōrero me ngā tuhinga Māori i runga i te hāngai ki te kaupapa, ki te momo reo me te kaipānui, kaiwhakarongo rānei.</p> <p><i>ā-Tā, Āheinga Reo</i></p> <p>1. Ka whakaaro nuitia ngā pūkenga ka whakamahia e te kaituhi, e te kaitā e rangona ai tōna ake wairua tuhi, wairua tā rānei.</p> <p><i>ā-Tā, Rautaki Reo</i></p> <p>6. Ka āta whakamahi i ngā āhuetanga maha o ngā momo reo tuhi hei whakaniko i ngā tuhinga whānui.</p> <p><i>ā-Tinana, Āheinga Reo</i></p> <p>1. Ka mārama ki te reo ā-tinana i ngā horopaki huhua, ahakoa ōpaki, ōkawa rānei.</p> <p>2. Ka whakamahi i ngā āhuetanga katoa o te reo me te tinana hei whakatau tika i ngā take, hei whakawhitiwhiti whakaaro, kare ā-roto me te mōhiohio.</p> <p><i>ā-Tinana, Rautaki Reo</i></p> <p>3. Ka hāngai te reo ā-waha me te reo ā-tinana ki te kaupapa.</p>
<p>Ngā Kaupapa Ako</p>	
<p>1. Te mahi rangahau</p>	<ul style="list-style-type: none"> ● Ngā hītori o te waiata, o te haka ● Te orokohanga mai o te haka ● Te tū -ā-iwi ● Ngā mahi a Rēhia
<p>2. Ngā titonga</p>	<ul style="list-style-type: none"> ● Te whai kaupapa (tōrangapū, te pānga mai o tetahi kaupapa, ngā kaupapa o te wā) ● Ngā hua o te ao haka ● Te arohaehae i ngā waiata me ngā haka tawhito ● Te whakaraupapa i ngā whakaaro
<p>3. Ngā tikanga tuhituhi</p>	<ul style="list-style-type: none"> ● Te kimi kaupapa ● Te momo reo me ngā whakanikonikotanga ● Te reo waiata
<p>4. Te āhua o te haka i roto i ngā tau</p>	<ul style="list-style-type: none"> ● Te whakatairite, whakatauaro i ngā haka/waiata o nāiane ki ngā haka i ngā tau o mua

5. Te whakawhana u-ngatanga	<ul style="list-style-type: none"> • Te noho hei whānau (ngā mema o te rōpū, te haukāinga, ...) • Ngā mātāpono: te tautoko tētahi i tētahi, ringa manaaki, te tautoko i te oranga o te reo, o te ahurea, o te ao Māori.
Hei Aronga	
Kia tika te reo	Te reo ōpaki/reo ōkawa Te tangi o te reo – te mita o te reo Ngā kupu ā-iwi/reo ā-iwi
Kia rere te reo	Te hāngai o te kupu ki te taki o te waiata Te whakakaupapa i te kōrero/waiata Te whakahāngai i te reo ki te kaupapa
Kia Māori te reo	Ngā whakatauki/kīwaha Te reo peha/reo huatau Te reo ā-tinana Te reo waiata (me ōna anō tikanga e huatau ai te reo) Ngā kupu ororite (onomatopoeia)
Kia pakari te ako	Te whakarāpopoto whakaaro Ngā kaupapa o te wā Te whakarite mahi, te hanga kōpaki (te mahi rangahau, tohutoro)
Ngā Rauemi	
Ipurangi/ pae tukutuku	Te Matatini < https://www.tematatini.co.nz/ > E-Tangata < https://e-tangata.co.nz/ > Youtube < https://www.youtube.com/results?search_query=te+matatini >
Hōtaka pouaka whakaata	TVNZ on demand Māori Television Haka at Home Waka Huia
Pukapuka/ maheni	Kāretu, T. S. (1993). <i>HAKA! The Dance of a Noble People</i> . Raupō Publishing (NZ) Ltd. Ngata, A. (2007). <i>Ngā Mōteatea (Vol 1-2)</i> . Auckland University Press. <i>Ngā Tātangi a Te Whare Karioi: Waitaha 2015</i> . Te Matatini Society.

<p>Papakupu</p>	<p>Biggs, Bruce. (2011). <i>English-Māori. Māori-English Dictionary</i>. Auckland University Press.</p> <p>Haemata. (2014). <i>He Raurau Kupu: He puna kupu mā te hunga ako i roto i ngā kaupapa rumaki reo Māori</i>. Te Tāhuhu o te Mātauranga.</p> <p>Paekupu, Te Papakupu o Te Marautanga o Aotearoa. https://paekupu.co.nz/</p> <p>Te Aka Māori-English, English-Māori Dictionary. https://maoridictionary.co.nz/</p> <p>Te Tāhuhu o te Mātauranga. (2006). <i>Tirohia, Kimihia: he kete wherawhera. He papakupu mā ngā tamariki</i>. Huia.</p> <p>Te Taura Whiri i te Reo Māori. (2008). <i>He Pātaka Kupu te kai a te rangatira</i>. Raupō Publishing (NZ) Ltd.</p> <p>Williams, H.W. (2010). <i>Dictionary of the Maori Language</i>. Legislation Direct.</p>
<p>Aromatawai</p>	
<p>Ka aromatawaia te kaha o te ākongā:</p> <ul style="list-style-type: none"> ● ki te tautohu, ki te kōrero, ki te whakakaupapa i ngā take matua o tētahi kaupapa kia mārama, kia poto. ● ki te whakaatu i tōna mōhio ki te reo Māori tae atu ki te wetereo, ki ngā kārawarawa me ētahi nuka reo Māori motuhake. ● ki te whakamārama i te hononga o te reo ki te takune me te wakaaro o te kaituhi, kaikōrero rānei. ● ki te whakamārama hoki i te pānga o te horopaki ki te kawenga reo kua whakatauiratia e te kaikōrero, e te kaituhi. ● ki te whakatairite, te whakatauaro i ngā horopaki o te ao Māori me ngā pānga o te horopaki ki te reo ka āta whakamahia e te kaituhi, e te kaikōrero rānei. 	
<p>NCEA 1</p>	<p>1.4 Te whakamārama i ngā āhuatanga motuhake o tētahi momo reo kua ākona (ā-waho)</p>

Tauira 3: Te Whawhai mō te Reo

TE REO RANGATIRA		
Te Taumata	6	Te Āhua o te Reo i tēnei Taumata Ka mōhio, ka whakamārama, ka whakaputa kōrero te ākongā mō ngā kaupapa e taunga ana ia. Ka whakamahi noa iho ia i te reo, ka whakaputa noa i ngā kōrero. Ka hurihuri, ka whakapārekareka i te reo kia hāngai ki ngā hoa kōrero.
Te Kaupapa	TE WHAWHAI MŌ TE REO	
Te Roa	8-10 wiki te roa 30-40 hāora	
Ngā Whenu	ā-Waha, ā-Ta	
Ngā Akoranga Tāpua		
Kia pakari te ako	<ul style="list-style-type: none"> • Mā te tūhura, mā te matapaki ka mārama ake te kaupapa. • Mā te whakaputa pātai e pai ake ai te ako. 	
Kia rere te reo	<ul style="list-style-type: none"> • E ora ai te reo, me kōrero. • He nui ngā rautaki ka whakamahia e te kaituhi, e te kaitito rānei e rere tonu ai te kōrero. 	
Kia tika te reo	<ul style="list-style-type: none"> • Me mōhio ki te wetewete reo, ki ngā kārawarawatanga, me ngā tūāhuatanga reo Māori ake nei. 	
Kia Māori te reo	<ul style="list-style-type: none"> • Mā te reo Māori me ōna tikanga te ao Māori e mārama ai. 	
Ngā Whāinga Paetae	<p><i>ā-Waha, Āheinga Reo</i></p> <p>2. Ka whakapuaki whakaaro mō ngā kaupapa, mō ngā ariā matua hoki o aua kaupapa, kia pai ai te whakatakoto tohetohenga, taunakitanga rānei hei whakaū i te whakaaro.</p> <p><i>ā-Waha, Puna Reo</i></p> <p>3. Ka whānui tonu ngā kupu me ngā momo rerenga e tika ana mō ētahi momo kōrero, pēnei i te matapaki, i te tuku pūrongo, i te taupatupatu, arā atu, arā atu.</p> <p>4. Ka hāngai te whakatakoto kupu ki ngā ture o te reo.</p> <p><i>ā-Waha, Rautaki Reo</i></p> <p>6. Ka tika te whakarāpopoto i ngā ariā matua o te kōrero ā-waha, ā-tuhi, ā-tā rānei.</p> <p><i>ā-Tā, Puna Reo</i></p> <p>2. Ka whānui te puna kupu e taea ai te tautoko, te whakawhitiwhiti māramatanga, te whakakotahi hei whakatau, hei whakaiti rānei.</p> <p><i>ā-Tā, Rautaki Reo</i></p>	

	6. Ka āta whakamahi i ngā āhuatanga maha o ngā momo reo tuhi hei whakaniko i ngā tuinga whānui.
Ngā Kaupapa Ako	
1. Te mahi rangahau	<ul style="list-style-type: none"> ● Ngā hītori o te reo Māori ● Te petihana ● Ngā Tamatoa ● Ngā take matua ● Te whakarauoratanga o te reo ● Ngā huarahi e ora pai ai te reo ● Te tātari i te rerekē haere o te reo ● Te wetewete i tētahi kōrero
2. Te whakaraupapa whakaaro	<ul style="list-style-type: none"> ● Te waihanga kōrero – te whai i ngā tikanga o te whakatakoto whakaaro ● Te whakahāngai i te kōrero ki te kaipānui ● Te whakarāpopoto i ngā kōrero ● Te tātari i ngā mahi rangahau ● Ngā momo taunakitanga ● Ariā matua ● Ariā tautoko
3. Te whakapuaki kōrero/ whakaaro	<ul style="list-style-type: none"> ● Ngā tikanga tuhi/kōrero ● Ngā whakataukī mō te reo
Hei Aronga	
Kia tika te reo	Ngā ture o te reo Te whakatikatika i tāna i tuhi ai Te whakanikoniko kōrero
Kia rere te reo	Te whakarāpopoto kōrero Te whakahāngai i te reo ki te hunga whakarongo, hunga pānui He whakahoki kōrero ki ētahi whakaaro kē atu
Kia Māori te reo	Te hurihuri, te whakapārekareka i te reo

Kia pakari te ako	Te whakarāpopoto whakaaro Te whakarite mahi, te hanga kōpaki (te mahi rangahau, tohutoro) Te uiui tāngata
Ngā Rauemi	
Pukapuka	Simon, J. and L. T. Smith (Eds). <i>A Civilising Mission? Perceptions and Representations of the New Zealand Native Schools System</i> . Auckland: Auckland University Press, 2001.
Ipurangi/pae tukutuku	E-Tangata https://e-tangata.co.nz/ Te Mātāwai https://www.tematawai.maori.nz/ Te Taura Whiri i te Reo Māori https://www.tetaurawhiri.govt.nz/ NZ History, Ngā Tamatoa https://nzhistory.govt.nz/keyword/nga-tamatoa Youtube https://www.youtube.com/watch?v=c2oDBnhISEc&t=21s
Puna kōrero	Ngā kuia, koroua Ngā pakeke Ngā whānau
Hōtaka pouaka whakaata	<i>Waka Huia</i> Archie, C. (2010). <i>Lines in the Sand</i> . Peace Movement Aotearoa < http://www.apc.org.nz/pma/lines10.htm >
Kōpae	Ngā waiata mō te reo, hei tauira: Williams, J. (1985). <i>Maranga Ake Ai</i> . Jayrem Records. Maimoa. (2020). <i>Revolution</i> . Maimoa Music.
Ngā ture	Tōhunga Suppression Act 1907 Native Schools Act 1867 Māori Language Act 1987 Te Ture mō te Reo Māori 2016
Papakupu	Biggs, Bruce. (2011). <i>English-Māori. Māori-English Dictionary</i> . Auckland University Press. Haemata. (2014). <i>He Raurau Kupu: He puna kupu mā te hunga ako i roto i ngā kaupapa rumaki reo Māori</i> . Te Tāhuhu o te Mātauranga. Paekupu, Te Papakupu o Te Marautanga o Aotearoa. https://paekupu.co.nz/ Te Aka Māori-English, English-Māori Dictionary. https://maoridictionary.co.nz/ Te Tāhuhu o te Mātauranga. (2006). <i>Tirohia, Kimihia: he kete wherawhera. He papakupu mā ngā tamariki</i> . Huia. Te Taura Whiri i te Reo Māori. (2008). <i>He Pātaka Kupu te kai a te rangatira</i> . Raupō Publishing (NZ) Ltd. Williams, H.W. (2010). <i>Dictionary of the Maori Language</i> . Legislation Direct.

Aromatawai	
Ka aromatawaia te kaha o te ākongā: <ul style="list-style-type: none"> • ki te tautohu, ki te kōrero, ki te whakakaupapa i ngā take matua o tētahi kaupapa kia mārama, kia poto. • ki te whakaatu i tōna mōhio ki te reo Māori, tae atu ki te wetereo, ki ngā kārawarawa me ētahi nuka reo Māori motuhake. • ki te whakamārama i te hononga o te reo ki te takune me te whakaaro o te kaituhi, kaikōrero rānei. 	
NCEA 1	1.1 Te whakamārama i tētahi kaupapa kua ākona (ā-roto) 1.3 Te whakamahi i tētahi rautaki reo (ā-waho)

Tauira 4: Ngā Kaupapa Ihiihi

TE REO RANGATIRA		
Te Taumata	6	Te Āhua o te Reo i tēnei Taumata Ka mōhio, ka whakamārama, ka whakaputa kōrero te ākongā mō ngā kaupapa e taunga ana ia. Ka whakamahi noa iho ia i te reo, ka whakaputa noa i ngā kōrero. Ka hurihuri, ka whakapārekareka i te reo kia hāngai ki ngā hoa kōrero.
Te Kaupapa	KAUPAPA IHIIHI	
Te Roa	8-10 wiki te roa 30-40 hāora	
Ngā Whenu	ā-Waha, ā-Ta	
Ngā Akoranga Tāpua		
Kia pakari te ako	<ul style="list-style-type: none"> • Mā te tūhura, mā te matapaki ka mārama ake te kaupapa. • Mā te whakaputa pātai e pai ake ai te ako. 	
Kia rere te reo	<ul style="list-style-type: none"> • E ora ai te reo, me kōrero. • He nui ngā rautaki ka whakamahia e te kaituhi, e te kaikōrero rānei e rere tonu ai te kōrero. 	
Kia tika te reo	<ul style="list-style-type: none"> • Me mōhio ki te wetewete reo, ki ngā kārawarawatanga, me ngā tūāhuatanga reo Māori ake nei. • Kia kitea, kia rangona te hononga i waenga i te reo me te whakaaro 	
Kia Māori te reo	<ul style="list-style-type: none"> • He pānga tō te horopaki ki te reo ka whakamahia i taua horopaki. • Mā te reo Māori me ōna tikanga te ao Māori e mārama ai. 	
Ngā Whāinga Paetae	<i>ā-Waha, Āheinga Reo</i> 1. Ka whakapuaki i te reo Māori ake nei hei whakaahua pikitia ā-kupu.	

	<p>2. Ka whakapuaki whakaaro mō ngā kaupapa, mō ngā ariā matua hoki o aua kaupapa, kia pai ai te whakatakoto tohetohenga, taunakitanga rānei hei whakaū i te whakaaro.</p> <p><i>ā-Waha, Puna Reo</i></p> <p>3. Ka whānui tonu ngā kupu me ngā momo rerenga e tika ana mō ētahi momo kōrero, pēnei i te matapaki, i te tuku pūrongo, i te taupatupatu, arā atu, arā atu.</p> <p><i>ā-Waha, Rautaki Reo</i></p> <p>6. Ka tika te whakarāpopoto i ngā ariā matua o te kōrero ā-waha, ā-tuhi, ā-tā rānei.</p> <p><i>ā-Tā, Rautaki Reo</i></p> <p>3. Ka whakahiato, ka āta arohaehae i ngā kohinga hei rautaki whakaoti rangahau.</p>
Ngā Kaupapa Ako	
<p>1. Te tukanga pakirehua</p>	<ul style="list-style-type: none"> ● Te waihanga pātai – te tautohu i tētahi kaupapa ● Te tautohu i ngā mea hei ako ● Te ako i ētahi mea mō taua kaupapa ● Te whakamātau i tētahi mea hou ● Te kōhi raraunga ● Te matapae: He aha ki tua?
<p>2. Te whakaraupapa whakaaro</p>	<ul style="list-style-type: none"> ● Te hanganga tuhinga/kōrero – te whai i ngā tikanga o te whakatakoto whakaaro ● Te tātari i ngā mahi rangahau ● Te whakarāpopoto i ngā kitenga o te rangahau ● Ngā momo taunakitanga ● Te/ngā ariā matua ● Te/ngā ariā tautoko
<p>3. Te whakapuaki kōrero / whakaaro</p>	<ul style="list-style-type: none"> ● Ngā tikanga tuhi/kōrero ● Te whakahāngai i te kōrero ki te kaiwhakarongo, kaipānui rānei
Hei Aronga	
<p>Kia tika te reo</p>	<p>Ngā ture o te reo – He aha i....ai, Me pēhea te...; Nā te aha i....ai</p> <p>Te reo ōkawa/reo ōpaki</p> <p>Te reo taunaki</p>
<p>Kia rere te reo</p>	<p>Ngā momo pātai – pātai puare, pātai aukati, pātai makihoi</p>

	Te tuku urupounamu Ngā tikanga tuhituhi/tikanga kōrero
Kia Māori te reo	Ngā nuka reo Te whakanikoniko kōrero
Kia pakari te ako	Te hīkaro Ngā rautaki pakirehua Te whai taunaki Te tuhi pūrongo
Ngā Rauemi	
Ipurangi/pae tukutuku	Enabling e-learning, student inquiry < https://elearning.tki.org.nz/Teaching/Learner-agency/Student-inquiry >
Puna kōrero	Te whānau
Kōpae	Kōpae Rauemi <ul style="list-style-type: none"> • KWHL Chart • SOLO Taxonomy • BLOOMS Taxonomy
Papakupu	Biggs, Bruce. (2011). <i>English-Māori. Māori-English Dictionary</i> . Auckland University Press. Haemata. (2014). <i>He Raurau Kupu: He puna kupu mā te hunga ako i roto i ngā kaupapa rumaki reo Māori</i> . Te Tāhuhu o te Mātauranga. Paekupu, Te Papakupu o Te Marautanga o Aotearoa. https://paekupu.co.nz/ Te Aka Māori-English, English-Māori Dictionary. https://maoridictionary.co.nz/ Te Tāhuhu o te Mātauranga. (2006). <i>Tirohia, Kimihia: he kete wherawhera. He papakupu mā ngā tamariki</i> . Huia. Te Taura Whiri i te Reo Māori. (2008). <i>He Pātaka Kupu te kai a te rangatira</i> . Raupō Publishing (NZ) Ltd. Williams, H.W. (2010). <i>Dictionary of the Maori Language</i> . Legislation Direct.
Aromatawai	
Ka aromatawaihia te kaha o te ākonga: <ul style="list-style-type: none"> • ki te ako mā te huarahi o te reo Māori. 	

<ul style="list-style-type: none"> • ki te whakamārama i tētahi kaupapa i te Taumata 6 o te marautanga, i tētahi ariā rānei i hua ake i tana rangahau (pakirehua) i taua kaupapa. • ki te tautohu, ki te kōrero, ki te whakakaupapa i ngā take matua o tētahi kaupapa kia mārama, kia poto. 	
NCEA 1	1.1 Te whakamārama i tētahi kaupapa kua ākona (ā-roto)

Wāhanga 3: STUDENT EXEMPLARS

(Student exemplars to be gathered through trialing)

Wāhanga 4: CONDITIONS OF ASSESSMENT

(Kei te reo Pākehā ngā whakamāramatanga)

NCEA LEVEL ONE

This section provides guidelines for assessment against internally assessed standards. Guidance is provided on:

- appropriate ways of, and conditions for, gathering evidence
- ensuring that evidence is authentic
- any other relevant advice specific to an Achievement Standard.

NB: Information on additional generic guidance on assessment practice in schools is published on the [NZQA](#) website. It would be useful to read in conjunction with these Conditions of Assessment.

The school's Assessment Policy and Conditions of Assessment must be consistent with the [Assessment Rules for Schools With Consent to Assess](#). This link includes guidance for managing internal moderation and the collection of evidence.

For all Standards

Internal assessment provides considerable flexibility in the collection of evidence. Evidence can be collected in different ways to suit a range of teaching and learning styles, and a range of contexts of teaching and learning. Care needs to be taken to allow students opportunities to present their best evidence against the standard(s) that are free from unnecessary constraints.

It is recommended that the design of assessment reflects and reinforces the ways students have been learning. Collection of evidence for the internally assessed standards could include, but is not restricted to, an extended task, an investigation, digital evidence (such as recorded interviews, blogs, photographs or film), or a portfolio of evidence.

It is also recommended that the collection of evidence for internally assessed standards should not use the same method that is used for any external standards in a programme/course, particularly if that method is using a time bound written examination. This could unfairly disadvantage students who do not perform well under these conditions.

A separate assessment event is not needed for each standard. Often assessment can be integrated into one activity that collects evidence towards two or three different standards from a programme of learning. Evidence can also be collected over time from a range of linked activities (for example, in a portfolio). This approach can also ease the assessment workload for both students and teachers.

Effective assessment should suit the nature of the learning being assessed, provide opportunities to meet the diverse needs of all students, and be valid and fair.

Authenticity of student evidence needs to be assured regardless of the method of collecting evidence. This needs to be in line with school policy. For example: an investigation carried out over several sessions could include teacher observations or the use of milestones such as a meeting with the student, a journal, or photographic entries recording progress etc.

Paerewa Paetae 1.1

Te whakamārama i tētahi kaupapa kua ākona (ā-roto)

I tēnei paerewa, ka whakaatu te ākonga i tōna āhei ki te whakamārama i tētahi kaupapa i te Taumata 6 o te marautanga, i tētahi ariā rānei i hua ake i tana rangahau (pakirehua) i taua kaupapa.

Te kaupapa

Tētahi kaupapa ako e tika ana i te Taumata 6 o TMoA.

Te wā me te roa

Taha Kōrero: Me rua meneti, roa ake rānei (i tua atu i te mihimihi).

Taha Tuhituhi: Me 200 kupu, roa ake rānei (i tua atu i te mihimihi).

Ngā momo aromatawai

Me rua ngā putanga - he reo tuhituhi tētahi, he reo kōrero tētahi.

Mā te ākonga anake te mahi.

Reo tuhituhi:

He tuhinga e mārama ana te kite atu i te kaupapa me ngā whakaaro o te ākonga mō te kaupapa. Tērā pea he pūrongo, he whakarāpopototanga, he pānui, he aha kē atu rānei. Me 200 nui ake rānei ngā kupu.

Reo kōrero:

He kauhau (ōpaki, ōkawa rānei), he reo tāpiri, he matapaki, he uiuinga rānei (ko te ākonga te kaiwhakautu pātai) te momo kōrero.

Me hopu te reo o te ākonga.

Me tene te kōrero i tētahi wāhanga o te aromatawai reo ā-waha kia māori ai te rere o te reo.

Reo ā-tā:

He kiriata, he whakaaturanga, he waiata, he mōteatea, he reo ā-hiko rānei ētahi taura reo ā-tā e pai ana. Arā anō pea ētahi atu e hāngai ana ki te kaupapa rangahau i tēnei taumata.

Ngā pūkenga me whakaatu

Me whakaatu mai te ākonga i tōna āhei ki te:

- arohaehae i te kaupapa ako
- whakamahi i ngā nuka reo
- āta kōrero i te kaupapa kia mārama pū ai te hunga whakarongo me te hunga pānui
- tautoko i āna kōrero ki ngā taunakitanga e hāngai ana ki te kaupapa.

Kuputaka

reo tāpiri voiceover

tene unrehearsed

Paerewa Paetae 1.2

Te whakamārama i te pānga o te horopaki ki te reo (ā-roto)

I tēnei paerewa ka tūhuratia te reo hei putanga ahurea, hei hua anō nō tōna horopaki. Me whai whakaaro, me whakamārama hoki te ākonga i te pānga o te horopaki ki te kawenga reo

kua whakatauiratia e te kaikōrero, e te kaituhi. Ka whakatairite, ka whakatauro te ākonga i ngā horopaki o te ao Māori me ngā pānga o te horopaki ki te reo ka āta whakamahia e te kaituhi, e te kaikōrero rānei.

Te kaupapa

He kaupapa ako e tika ana i te Taumata 6 o TMoA.

Ko ngā momo reo e hāngai ana ki te Taumata 6 o TMoA.

Ngā momo aromatawai

Mā te kaiako e whakatau.

Mā te ākonga anake te mahi.

Ngā pūkenga me whakaatu:

Me whakaatu mai te ākonga i tōna āhei ki te:

- arohaehae i te kaupapa ako
- whakamahi i ngā nuka reo
- āta kōrero i te kaupapa kia mārama pū ai te hunga whakarongo me te hunga pānui
- tautoko i āna kōrero ki ngā taunakitanga e hāngai ana ki te kaupapa.

Kuputaka

hāngai *relevant*

taunakitanga *evidence*